


Matius 8



La'pa lera woru rtaw dioinia pa lera wotell wua noma e rhi'a he'i-hepur la mak kmehlima la'a leta Kana, de Galilea letni ida. Ne Yesus inni ed wal lia hande. Yesus Nora maklernohor reria re, rlernan walia polpuolu la'a he'i-hepur de.



La'pa anggur turnu maka ha remnia la he'i-hepur de nhorwua, noma Yesus inni nakot la niwra: "Yesus! Hare anggur turnu nhorwua." Mere Yesus inni nakot la mak ktulla-kari re: "Mliernohor neka hya' mak Ha Nakota tiy miy."



Noma Yesus Nakot la mak ktulla-kari re, Niwra: "Mhiur ger la' kuhi re." Dewade rhur ger la kuhi re wonema pa rpenpuenu. Noma Yesus Nakot la re: "Mia' ala ger de oke' la dodo'ondi wa pa miala la mak khi' o'tani la'a he'i-hepru." Noma rodia ger della la'a mak khi' o'tani la he'i-hepur de.



3

La'pa nto' targa nurnu la ger maka kwali olek la anggur de, de naplin niohora anggur de nwatiawua hanmeni, atiaru mak ktulla-kari mak khuri-kwalia gera la kuhi re nanpena rat niohora re. Noma mak khi' o'tani la he'i-hepur de npolu a'na muanke'a mak kmehlim de pa nmai.



4

Na'nama nakot la: "Nhi'inde la'a kniari emkari, de ral ulga anggur tur mikmikri, la'pa remun pa rmah wenna nanpena rala maka niemannu namnaphapla. Mere hadi de miy e mide' targa anggur tur mikmikir di pa na'nama milgota."



5

Hadi ed maka Yesus Nhi'a hihi'a-yapyapi mak kamehi-kayona (muzizat) mulialiaini mak ktutga Uplerlawna rurni-laini, ne Nhi' nan hade la'a leta Kana, Galilea letni de.




6

La' hade totpena Entutga E preheni-mkaini la nohkerna wawannu. Dewade mak klernohor reri re rpesiy tioto' memna E'a.





7

Noma Yesus Nokria Petrus likatni. La' hande de Yesus Namkek de Petrus yananni ruru npahna nohora tema priahnani la'a lewu wawannu.




8

Noma Yesus Nteman la patke' de limni, dewade nnienni de nmolu. Noma namat pa nwahi'a-nwayodia ya'ana-yemnu pa Yesus Na'ana.




9

La'pa lera ntuinia, dewade rodia riy honona mak kamehra me maka hegana ha nhu'ru ralma pa rla'awa Yesus. Rirahu re rmai lia likit de pa rawok la nhiari gaini.



10

Noma Yesus Nhi'a riy harahu pa rkalwied la nnieni-nhiena, mehra-mau, me Nhokar dodioinia hegana-kawnu, yatni-rha'ani liawanni. Edon Nhur niohora hegana-kawnu re pa raltieri yoma rat niohora de Ray Makamori-Kalewna maka Uplerlawna Nano'targa E inhatta.




11

Riy honona rahak pa rho'a-rhaiya Yesus, yoma la' inonni de e Nodialgota plola-mneha pa Nhi' kalwieda ir honona.



12

Noma riy doma rmai die e rodia mak kaliu'uta id la E'a, de riy wogata rhim nana.




13

Mere la' ler de de riy rahu rehia, pede edonna rlernan talan pa rodia la'a rialma.



14

Noka rwaye'er doinia roma ritni
mak kden la Yesus o'tani wawannu,
nhorwua dewade ralernu mak
kaliu'uta de na'itar neka
u'tani maka enanin
la wawannu.




15

La'pa Yesus Namkek tutga riy
mak kmai re pesiayni raruri,
noma Yesus Nakot la
riy mak kaliu'uta de
Niwra: "Ama,
dodo'ondi de
A'umou-uwitn oleka
do'omu-halmu."
Niwra: "Hyalia,
mumat doin la pa
mpuopna u'tamu
de pa mlia'awa
rommu."




16

La'pa Yesus Nha'at la puou, noma maka ha
Nwatutu-nwaye'a re ror wali noma
rhopal wa. Noma
plinu-plinnianamde anin
lawna mak kodia
kakmoranni nten pia
nhi'nande nayo'ora la' danau pa
yo'or mana rriw lia puou
ralamni. Emkade
ho'mana Yesus e nanin
hala la puou
ralamni.



17

Yesus Niwra: "Nihya'pa mimta'at wenanmi
emkadena?! Miy edonna mpiesiay A'u." Dewade Yesus
Namat pa Nkamot targa yo'ora-anin lawan de na'nama
nleretniekla nalina-nalera la'a danau de
ralamni. Dewade maka Yesus ha
Nwatutu-nwaye'a re honona
rwer rer wiawni pa
riwra: "Riy meni hadina
de pa yo'ora-anni nek
de ratlina-ratailla?"



18

De yoma
Uplerlawna
sniayanni la'a
rimormiori nohkeran di inponni memna,
pede Enala Wutmueheni-Laimieheni A'
die, totpena ha meni mak kpesiay
A' die hota edonna nler la
matmiati-molmuolu pa rrinnia
la ai mormiori ralamni mere
nlernana mormiori
plalahwa pa
nodi
liarni.

40

60

19

Roma 3:23 Yoma riy honona rler olek la do'a-hala
ralamni, me nhiolli re oliet meman la Uplerlawna
polli-mneheni nhiolli-lietni mak kmou-kwitna.

Roma 6:23 Yoma do'a-hala wniahlani de
matmiati-molmuolu plalahwa. Mere Uplerlawna
Nara'a-napal niana mormiori plalahwa pa nodi liarni la riy
mak kor wutga Kristus Yesus, Itmatromlawanni tla' ihru
ida-ralm ida.

Ibrani 9:27 Ne hota emeknekama Uplerlawna Nakota de
hota rimormiori rmat die ralamni nmeh'a pa nhorwua
nanpena Uplerlawna ed maka khudi-kpara re,

20

Epsus 2:8,9 La'a Uplerlawna ralam kalwiedni pede E Nalewan miy onnila miy pesiaymi la Yesus. Ne miy lewlewanmi de edon riwra yoma la'a riy ruri-lai wamueheni, mere hade nwatiawua Uplerlawna sniayanni totpa hota riy id mana edonna nwaror nana tulu-petna yoma wniarorni de enmeh'a namori-nalewna e inon wamueheni onnila e hihi'ini-yapyapni wamueheni.

Roma 10:9,10 La'pa miy nurmi nwayow nana Yesus la rira gaini ralamni pa miwra: "Yesus de Orgahi-Orha'a inhatta," me mpiesiaya la miy ralamni de Uplerlawna ed maka kamori-kalewna Yesus la' matmiati ralamni, de hota mimiernana mormiori plalahwa. Yoma la'a mimpiesiaya la ralamni pede Uplerlawna Nreiniana-na' nana miy pa emeknekama riy maka kora Uplerlawna rkalwieda. Ne la'a nurmi mak kwayow nohora Yesus de Orgahi-Orha'a inhatta pa hota Namori-nalewna miy.

21

Yohansi 3:16,17 De yoma Uplerlawna sniayanni la'a rimormiori nohkeran di inponni memna, pede Enala Wutmueheni-Laimieheni A' die, totpena ha meni mak kpesiay A' die hota edonna nler la matmiati-molmuolu pa rrinnia la ai mormiori ralamni mere nlernana mormiori plalahwa pa nodi liarni. Yoma Uplerlawna Nalernia A'nani A' die, de edonna muai pia tiorna watghudi la nohkeran di. Mere Amuai die totpena A'umori-ulewna rimormiori.

1 Yohansi 5:11-13 Ne emkadilla maka Uplerlawna Nakot nohora re, de Uplerlawna Nal olek mormiori mak kodi liarni mai ita, ne A'nani ed mak kodia mormiori die. Riy maka kora Uplerlawna A'nani rla ihru ida-ralm ida, hota rmormiori plalahwa pa nodi liarni. Riy mak edon nora Uplerlawna A'nani ihru ida-ralm ida de edon nler la mormiori die. Agal horat la makpesiay Uplerlawna A'nani miy, de totpena miatga de miy di de mliernan oleka mormiori-dardiari plalahwa pa nodi liarni.

22

Matius 8-9; Markus 1-2, 4; Lukas 4, 8; Yohansi 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Luang Bible (lex) © 2014, Wycliffe Bible
Translators, Inc. All rights reserved.

<https://live.bible.is/bible/LEXWBT/GEN/1>

©2026 Bible for Children, Inc.

www.M1914.org www.bibleforchildren.org

23